

apicali alba, cuneo latitudini basali aequae longo, albo, margine basali apiceque nigris, membrana albida, venis vittaque longitudinali media nigris; articulis secundo et tertio antennarum, apice hujus excepto, coxis totis vel apice basique femorum, anteriorum anguste, posteriorum latius, nec non tarsis, apice excepto, saepeque etiam margine apicali metastethii albidis. Long. $2\frac{1}{2}$, lat. hemielytrorum $1\frac{1}{4}$ mm.

Ecritotarsus atratus Dist., Biol. Centr.-amer., Rhynch. Het., p. 285, 10, Tab. XXVI, Fig. 20. — *Physetonotus* id. Reut., Ann. Soc. Ent. France, LXI, 1892, p. 395, 7.

Orizaba, m. Maji, 1 sp.

Signaturis, corpore brevioribus, disco pronoti ne minime quidem impresso, embolio angustiore, subreflexo coloreque pedum et antennarum distinctus.

Pycnoderes obliquatus n. sp. Ovalis, niger, capite basi pronoti $\frac{3}{5}$ angustiore, latitudini posticae aequae longo, utrinque ad oculum sordide testaceo; pronoto pone callos minutos tumido-convexo, punctis magnis profundis crebre punctato, limbo basali sat alte subperpendiculariter declivi, disco basali medio leviter, ad latere levissime impresso; scutello brevissimo, punctato; hemielytris opaculis, embolio sat anguste explanato, nigris, cuneo membranaque albidis, illo angulo interiore fere usque ad medium marginis interioris oblique nigro, area hujus nigra; rostro (antennae desunt) pedibusque totis albis. Long. $2\frac{1}{2}$, lat. $1\frac{1}{4}$ mm.

Mexico, 1 sp.

P. atrato Dist. affinis, differt pronoto supra basin scutelli minus longe producto, disco ejus postico medio impressione instructo, embolio toto nigro coloreque pedum.

Pycnoderes pallidirostris (Stål). Oblongo-ovalis, obscure fuscus, nitidus, capite, antennis callisque pronoti nigris; rostro, basi articuli primi antennarum pedibusque totis pallide stramineis; hemielytris opacis, pallido-pubescentibus, embolio cuneoque pallide stramineis, illo margine apicali interdumque etiam fascia magis minusve obsoleta mox ante tertiam apicalem partem fuscis, hoc angulo interiore, apice margineque interiore apicem versus anguste fuscis; membrana fumata, venis nigro-fuscis, macula magna infra apicem cunei pallida; capite basi pronoti circiter $\frac{2}{5}$ angustiore; articulo secundo antennarum primo $\frac{3}{4}$ longiore; pronoto callis sat convexus, nitidis, disco pone eos punctis sat magnis crebre et fortiter punctato, medio haud, lateribus ad angulos posticos distinctissime impresso. Long. 3, lat. hemielytrorum $1\frac{1}{4}$ mm.

Ecritotarsus pallidirostris Stål, Ent. Zeit. Stett., XXIII, 1862, p. 323, 256; Dist., Biol. Centr. Amer., Rhynch. Het., p. 285, 7, Tab. XXXIII, Fig. 14.

Sancti Marcos, Pednegal, m. Decembris.

A praecedentibus statura angustiore, magis oblonga, colore signaturaque mox distinctus.

Monalocoris Dahlb.

Corpus breviter ovale, cum hemielytris nitidum vel nitidulum; capite basi pronoti paullo magis quam dimidio angustiore et apice ejus paullulum latiore, a supero viso pronoto saltem dimidio brevioribus, vertice lata, utrinque ad oculum transversim impresso; capite ab antico viso transverso (σ^7) vel latitudini cum oculis longitudine subaequali (\odot), a latere viso altitudine basali paullo brevioribus, fronte declivi, convexiuscula, clypeo arcuato, basi a fronte sat discreto, ipsa basi supra medium capitis a latere visi posita, angulo faciali subrecto, genis sat altis, gula brevi, obliqua; oculis laevibus, a supero visis minusculis, sat leviter prominulis, a latere visis oblongis, orbita interiore parallelis; rostro apicem mesosterni attingente, articulo primo basin capitis attingente, secundo